

یوہ آکا شوانی جموں ہے محبوب سلطانی تے باغ علی طاہر تیں خبر سُنو۔ پہلاں خاص خاص خبر۔

Headlines

۱. وزیر اعظم نریندر مو دی غو کہنو ہے جے بھارت نانہہ ترقی یا فتنہ مُلک بنان مانہہ نویں نسل غو کردار بڑی اہمیت رکھے۔
۲. وزیر اعظم کل سونہ مرگ ٹنل غو افتتاح کریں گا۔
۳. وزیر اعظم غا سونہ مرگ دورہ غے دوران کیا جان آلا ٹنل غا افتتاح تیں پہلاں وزیر اعلیٰ عمر عبداللہ نے افتتاح آلی جگہ غو معائنو کیو ہے۔
۴. مہا کنبہ میلو پہلک پریاگ راج مانہہ شروع ہو رہیو ہے۔
۵. تے محکمہ موسمیات نے آئندہ 14 جنوری توڑی موسم خشک تے آبر آلود رہن غی پیشنگوئی کی ہے۔

خبران غی تفصیل نال پہلاں باغ علی طاہر۔

PM Viksit Bharat

نوجوانان غا قومی تہاڑھ غا موقع ور وزیر اعظم نریندر مو دی نوی دہلی مانہہ وکست بھارت نوجوان لیڈران غی مذاکراتی تقریب مانہہ شرکت کر رہیا ہیں۔ جناب مو دی نے اس موقع ور اک نمائش غو دورو لایو تے نوجوان لیڈران سنگ ملاقات کی۔ یہ نوجوان لیڈر وزیر اعظم غے باندے ”وکست بھارت“ غا اپنا تخیلات غی نمائش پیش کر رہیا تھا۔ ان نمائشی تخیلات مانہہ نواں خیالات تے بھارت نانہہ درپیش کجھ للکاراں غا حل پیش کیا گیا ہیں۔ وزیر اعظم نے مستقبل غا ان لیڈران نانہہ ترغیب دین تے باختیار بنان غی خاطر مرتب کی گئیں بکھ بکھ سرگرمیاں مانہہ وی شرکت کر رہیا ہیں۔ یوہ 3 روزہ پروگرام گذشتہ جمع آلیے روز شروع کیو گیو تھو۔ تانجے نوجوانان نانہہ ترقی یا فتنہ بھارت بنان غا سلسلہ مانہہ جدید خیالات پیش کرن غو موقعو میسر کیو جا سکے۔ اس تقریب غے دوران جناب مو دی مُلک پھر تیں تقریب مانہہ شرکت کرن آلا 3 ہزار نوجوان لیڈران سنگ گل بات کریں گا۔ اُن نے نوجوانان سنگ دوپہر غا کھانا مانہہ وی شرکت کی، تانجے نوجوانان نانہہ اُن گا خیالات، تجربات تے آساں امیدان بارے براہ راست واقف کرایو جا سکے۔ وزیر اعظم اس موقع ور 10 بکھ بکھ موضوعات ور مبنی مضمون نویسی غا اک مجموعہ غو اجراء وی کر رہیا ہیں۔ یہ موضوعات ٹیکنالوجی، پائیداری، خواتین غی باختیاری، مصنوعات تے ذراعت ور مبنی ہیں۔ جن نانہہ اس تقریب مانہہ شامل ہون آلا نوجوان لیڈران غی طرفوں تحریر کیو گیو ہے۔ ”وکست بھارت مذاکرات“ نوجوان لیڈران نانہہ بڑا قومی لیڈران اور دوجی قومی تے بین القوامی شخصیات سنگ براہ راست گل بات کرن غو موقعو فراہم کرے۔ تانجے مُلکی مستقبل نانہہ نویں سمت دتی جا سکے۔

PM Sonamarg

وزیر اعظم نریندر مو دی پہلک 6 عشریہ 4 کلو میٹر لما سونہ مرگ ٹنل غو افتتاح کریں گا۔ وزیر اعظم گا دورہ تیں پہلاں علاقہ مانہہ تے خاص کر غے سرینگر تے وسطی کشمیر مانہہ حفاظتی بندوبست تگڑا کیا گیا ہیں۔ تانجے اس تقریب نانہہ خوش اسلوبی سنگ کرایو جا سکے۔ 27 ارب روپیاں غی لاگت سنگ مکمل کیا گیا اس پروجیکٹ غی وجہ نال سرینگر تے سونہ مرگ بشکا ر ہر موسم مانہہ سڑک رابطو قائم رکھیو جاسکے گو، جس غی وجہ نال مقامی تجارت تے سیاحت

غا فروغ مانہ مدد ملے گی۔ اس ٹنل غی تکمیل سنگ سرینگر تے لہیہ بشکار فاصلہ نانہ وی کہٹ کیو جاسکے گو۔

CM Sonamarg Tunnel

وزیر اعظم نریندر مو دی غی طرفوں سونا مرگ ٹنل غا با قاعدہ افتتاح توں پہلاں وزیر اعلیٰ عمر عبداللہ نے ضلع گاندر بل غا سونا مرگ مانہ پروجیکٹ آلی جگہ غو دورو کر غے انتظامات غو تفصیلی جائز لیاوے۔ اس دوران وزیر اعلیٰ عمر عبداللہ نانہ چیف سیکریٹری اتل ڈلو تے کشمیر غا صوبائی کمشنر وجے کمار بدھوری نے سرینگر لہیہ شاہراہ ور 6 عشاریہ 4 کلو میٹر لما ٹنل غا افتتاح بارے کیا گیا انتظامات بارے جانکاری دتی۔ وزیر اعلیٰ نے ٹنل غا بکھ بکھ حصاں غو معائنو کیو تے اس پروجیکٹ غی تعمیر مانہ شامل انجینراں تے مزدوراں سنگ ملاقات کر غے اس اہم پروجیکٹ نانہ مکمل کرن ور اُن غی کوششاں نانہ سراہیو۔ اس تیں علا وہ اُنہاں نے اُس جگہ غو وی دورو کیو، جت وزیر اعظم عوامی اجتماع سنگ خطاب کر غے اس پروجیکٹ نانہ قوم غے ناں وقف کریں گا۔

Rajouri National Youth Day

سوامی وویکا نند غا جنم تہاڑھ غی یاد مانہ پورا ملک مانہ نوجواناں غو قومی دن منایو گیو۔ ضلع راجوری مانہ اس سلسلہ مانہ اک تقریب ڈاک بنگلہ راجوری مانہ نہرو یووا کیندرہ راجوری غی طرفوں نوجواناں غا معاملان تے کھیڈاں بارے وزارت غا تعاون سنگ منعقد کی گئی۔ اس موقعہ ور ضلع راجوری غا ڈپٹی کمشنر ابھیشیک شرمانے مہمان خصوصی غا طور ور تقریب مانہ شرکت کی۔ اُنہاں نے اپنا خطاب غے دوران سوامی وویکا نند غی تعلیمات تے خطبات ور لوہ پائی۔ اس تقریب غے دوران بکھ بکھ ثقافتی پروگرام وی پیش کیا گیا۔

Juthana Bridge

کٹھوعہ ضلع مانہ دریا نے اُچھ ور بنایا گیا 7 سو میٹر لمپل سنگ قریب 30 ہزار غی گرائیں آبا دی غو 70 سالہ انتظار بُن ختم ہو گیو ہے۔ اس پُل غی تعمیر سنگ دور دراز علاقہ غا 40 گرائیاں نانہ فائدو پُجے گو۔ اس پُل غی تعمیر ور 47 کروڑ روپیاں غی لاگت آئی ہے۔ ضلع کٹھوعہ غا جٹھانہ گراں مانہ دریا نے اُچھ ور سال 2016 مانہ جے اینڈ کے پروجیکٹس کنسٹرکشن کارپوریشن لمیٹڈ غی طرفوں اس پُل غی تعمیر شروع کی گئی تھی۔ گرائیں افراد تے طالب علماں غو کہنو بے جے پُل نہ ہون غی وجہ نال وے پیدل دریا پار کر غے اپنا گرایاں در جان ور مجبور تھا تے وے بُن اس پُل غی تعمیر ور خوشی غو اظہار کر رہیا تھا۔ بُن اس پُل غی تعمیر غو آخری مرحلہ غو کم چل رہیو بے تانجے اس نانہ عام آدمی واسطے وقف کیو جاسکے۔ مہارا ضلع نمائندہ سنگ گل کرتاں واں کُجھ مقامی لوکاں غو کہنو تھو۔ بانٹ۔

Dir Agri Tour

ذراعت بارے ڈائریکٹر جموں ارویندر سنگھ رین نے جامع ذرعی ترقیات پروگرام (ایچ اے ڈی پی) غے تحت بکھ بکھ ذرعی اقدامات غی پیش رفت بارے جائزولین خاطر سب ڈویژن ڈنسال غو تفصیلی دورو کیو۔ اس ضمن مانہ ڈائریکٹر موصوف نے زون سدھرا مانہ اک اجلاس منعقد کر غے جامع ذرعی ترقیاتی پروگرام مانہ ہونی پیش رفت غو جائزولیا۔ اس دوران اُنہاں نے فیلڈ عملہ سنگ ملاقات کر غے اسکیمان نانہ موثر طریقہ سنگ زمینی سطح ور نافذ کرن غی اہمیت ور زور پایو۔ اُنہاں نے سب ڈویژن افسراں نانہ ہدایت جاری کرتاں واں کہیو جے ان اقدامات غا

فائدہ نانہہ کسانان تک پجان نانہہ یقینی بناویں، تانجے مجموعی ذرعی ترقی مانہہ مدد مل سکے۔
اس میٹنگ تیں بعد ڈائریکٹر موصوف نے سب ڈویزن ڈنسال گا گراں ملو ری جاگیر مانہہ (ایچ اے
ڈی پی) غے تحت اک جدید پولی ہاؤس غو وی دورو کیو۔

مزید خبراں نال محبوب سلطانی۔ ور اُس تیں پہلاں یوہ پیغام۔ (یہ خبر تم آکاشوانی جموں تیں سُن
رہیا ہیں، تے یہ خبر مہاری ویب سائٹ نیوز آن آنیر ڈاٹ گوو ڈاٹ ان ور وی دستیاب ہیں، اس
(تیں یہ خبر مہاری مو بائل ایپ تے ڈی ٹی ایچ ور وی دستیاب ہیں

MahaKumbh

عقیدہ تے انسانیت غا سنگم غا مظہر مہا کُنہہ میلو پہلک اُتر پردیش غا پر یا گ راج مانہہ
شروع ہو رہیو ہے۔ اس میلہ مانہہ شریک ہون آلا افراد غی خاطر ضروری انتظامات مکمل کر لیا گیا
ہیں۔ کُنہہ میلہ مانہہ شرکت غی خاطر بڑی تعداد مانہہ لوگ شہر غو رُخ کر رہیا ہیں۔ ثقافت غی
وزارت نے پر یا گ راج شہر مانہہ اک کلا گرام مختص کیو ہے۔ جت مُلک غی رنگا رنگ ثقافت
غی نمائش کی جائیگی۔ ثقافت تے سیاحت بارے مرکزی وزارت غا وزیر گجیندر سنگھ شیخاوت
اس کلا گرام غو اج شام افتتاح کریں گا۔

TA Recruit Rally

ٹیریٹوریل آرمی پہرتی ریلی 25/2024 واسطے تحریری امتحان اج دو امتحانی مرکز سرکاری
ڈگری کالج اور گرین ماڈل اسکول دوڈہ مانہہ منعقد کرایو گیو۔ اس امتحان مانہہ جموں کشمیر غا
بکھ بکھ علاقہ توں کُل 1 ہزار 8 سو 28 امیدواراں نے شرکت کی۔ اس امتحان بارے تمام
ضروری انتظامات بھارتی فوج تے ضلع انتظامیہ دوڈہ غی طرفوں کیا گیا تھا۔ دوئے امتحانی مرکز
اندر اس امتحان نانہہ حفاظت غا کڑا بندوبست اندر شفاف طریقہ سنگ منعقد کیو گیو۔ اس موقعہ ور
بولتیاں واں تحصیلدار دوڈہ تے اک امیدوار نے اس طرح کہیو۔ بانٹ۔

DC Poonch-Healthcare

ضلع ترقیاتی کمشنر پونچھ وکاس کُنڈل جہیڑا ضلع صحت سوسائٹی پونچھ غا چیرمین وی
ہیں نے محکمہ صحت غا سینئر افسراں غی اک میٹنگ غی صدارت کر غے ضلع مانہہ صحت
دیکھ بھال خدمات مانہہ ہوئی پیش رفت تے کارکردگی غو جائزو لیو ہے۔ اس میٹنگ مانہہ جناب وکاس
کُنڈل نے بکھ بکھ صحت اسکیمیں مانہہ حاصل کیا گیا ہدف، صحت اداراں غو کم کاج، ڈھانچہ
غی بہتری تے مریضان نانہہ دتی جا رہی صحت دیکھ بھال سہولتیاں بارے تفصیلی جائزو لیو، اس
موقعہ ور چیف میڈیکل افسر پونچھ ڈاکٹر پرویز احمد خان نے صحت محکمہ غی تمام کاروائیاں
بارے تفصیلی جانکاری فراہم کی۔

DC Poonch HADP

ڈپٹی کمشنر پونچھ وکاس کُنڈل نے مال سال 25/2024 واسطے جامع ذرعی ترقیات
پروگرام (ایچ اے ڈی پی) مانہہ ہوئی پیش رفت غو جائزو لیو ہے۔ اس دوران کھیتی باڑی تے اس
سنگ جڑیا دوجا شعباں جن مانہہ باغبانی، ذراعت، مال چوکھر تے مچھلیاں غا بکھ بکھ محکماں
غی طرفوں تفصیلی جانکاری پیش کی گئی۔ اس میٹنگ غے دوران متعلقہ افسراں نے تفصیلی
جانکاری دیتاں واں پروگرام واسطے اندراج، منظوری تے جاری منصوباں نانہہ اجاگر کیو۔ اس
ضمن مانہہ ڈی سی موصوف نے تمام خرچاں نانہہ ویلے سرپورو کرن غی اہمیت ور زور پایو۔

اُنہاں نے ہدایت جاری کرتاں واں کہیو جے تمام مالی ذمہ داریاں نانہہ 10 فروری تک پورو کر لیو جا نو چاہیے۔ ڈپٹی کمشنر نے باغبانی غا اعلیٰ افسر نانہہ ”دکش“ پورٹل ور ڈیٹا غا معیار نانہہ بہتر بنان تے کسان سمردھی ابھیان غے تحت مزید درخواستاں غی منظوری بارے وی ہدایت دتی۔

DC Samba

ڈپٹی کمشنر سانبہ راجیش کمار شرما نے پرمنڈل بلاک غو تفصیلی دورو کر غے عوامی شکایتاں غا ازالہ بارے کیمپ غے ذریعے مقامی لوکاں سنگ گل بات کر غے اُن غی شکایتاں غو حل کیو۔ اس پہل غو مقصد حکومتی نظام نانہہ عوام غے نزدیک آئو بے۔ تانجے اُن غی ضروریات نانہہ سمجھویو جا سکے اور مسائل نانہہ موقع ور حل کیو جا سکے۔ اس دورہ غے دوران ڈی سی موصوف نے دیویکا دریا غو وی معاینو کیو تے متعلقہ افسراں نانہہ اس غی ترقی واسطے ضروری ہدایت وی دتی۔ اُنہاں نے پرمنڈل غا مندرائ غو ثقافتی ورثہ غے طور ور تحفظ ور وی زور دتو۔

Weather/Highway

محکمہ موسمیات نے 14 جنوری تک موسم خشک رہن غی پیشنگونی کی ہے۔ اس دوران جموں سرینگر قومی شاہراہ گڈیاں لاریاں غی آؤ جائی واسطے کھولی وی ہے جد کہ مغل سڑک جہیڑی جموں صوبہ غا پونچھ تے راجوری ضلع نانہہ کشمیر صوبہ گا شوپیاں سنگ جوڑے نانہہ پیر کی گلی غا مقام ور برف باری غے چلتی گڈیاں لاریاں غی آؤ جائی واسطے بند رکھیو گیو ہے۔ اُنکاں کشتواڑ سنتھن اننت ناگ سڑک نانہہ وی برفباری ہون غی وجہ توں بند رکھیو گیو ہے۔
